

Radononza generala dalla Pleiv catolica romana Trun

Protocol dils 10 da matg 2022 allas 20.15 uras en sala da cultura en scola Trun

1. Beinvegni, approvaziun dalla gliesta da tractandas, elecziuns dumbravuschs

Il president fa in cordial beinvegni a tuts presents (total 19). In special beinvegni fa el a nies plevon sur Tomasz.

La gliesta da tractandas ei stada publicada duas gadas el feagl official, l'emprema ga ils 29-04, pia pli ch'il termin da 10 dis tenor art. 16 da nossa constituziun. La radunonza ei pia convocada legalmein. Las tractandas 2-6 e 8 cun tuttas informaziuns necessarias ein stadas plazzadas odem las baselgias da Schlans, Trun e Zignau.

Perstgisas: Rosmarie Sossai, Giusep Defuns, Fis Guldimmann, Christina Derungs, Rilana Cadruvi Scherrer, Serafin Rensch, Esther Tomaschett, Gion Friberg

La gliesta da tractandas vegn approvada unanimamein.

Sco dumbravuschs vegn Georgina Flepp-Cahannes elegida unanimamein.

2. Protocol dalla radunonza generala dils 30 da zercladur 2021

Il protocol dalla radunonza generala dils 30 da zercladur 2021 vegn approbaus unanimamein. Cordial engraziament alla actura Olivia Pfister-Tgetgel.

3. Rapports

a) President

Il president menziunescha in pèr puncts essenzials ord siu rapport 2021. Il rapport cumplet ei annexaus a quest protocol.

Cun in Babnos essan nus seregurdai dils defuncts. Possien els ruassar en pasch.

b) Administratur dils beins

Igl administratur dils beins, Benedetg Albin, muossa co el ha ordinau e catalogisau tut ils beins, tegias e casas pervendas cun detagls da plans e discripziuns. Il rapport cumplet ei annexaus a quest protocol. Grond engraziament a Benedetg per sia gronda lavur.

4. Rendaquen per 2021

a) Rapport dil cassier

Il cassier, Alois Tomaschett, presenta il quen dalla pleiv che siara cun entradas da frs. 368'608.55 ed expensas da frs. 360'645.30 che muntan in gudogn da frs. 7'963.25. La facultad dalla pleiv pils 31.12.2021 munta frs. 647'124.25.

Il quen cumplet ei annexaus a quest protocol.

b) Rapport dils revisurs

En num dils revisurs conferma Lea Alig-Flury

- ch’ils mussaments d’entradas ed expensas ein avon maun
- ch’ils contos da bilanza e dil quen da menaschi corrispundan allas cudischaziuns
- che la facultad corrispunda alla bilanza dils 31-12-2021
- che la contabilitad ei menada a moda exemplarica

c) Approbaziun dil quen e conclus da scarica

Sin fundament dil rapport da revisiun propona la revisura d’approbar il quen digl onn 2021 cun dar scarica alla suprastanza.

La radunonza approbescha unanimamein il quen 2021 e dat scarica alla suprastanza.

5. Rendaquen dallas fundaziuns per 2021

a) Rapport dil plevon e dil cassier

Sur Tomasz dat rapport sur dil quen dallas capluttas e messas fundadas. Il cassier Alois dat rapport dalla facultad dils fondos ecclesiastics.

Il quen cumplet ei annexaus a quest protocol.

b) Rapport da gestiun

Il revisur Gion Friberg ei maldisposts muort in’operaziun dils egls aschia ch’il quen ha buc saviu vegnir revedius. Il president damonda dad approbar cun resalva il quen 2021 dallas fundaziuns.

La radunonza approbescha unanimamein il quen 2021 dallas fundaziuns cun resalva ch’ils revisurs vesan il quen per en uorden.

Il president engrazia als funcziunaris dallas differentas fundaziuns pigl engaschi e la buna lavur.

6. Preventiv 2023

Il cassier Alois Tomaschett presenta il preventiv per 2023 cun entradas da frs. 333’500.- ed expensas da frs. 332’900.- che preveda in gudogn da frs. 600.-

Il preventiv 2023 ei annexaus al protocol.

La radunonza approbescha unanimamein il preventiv 2023.

7. Fixaziun dil pei da taglia per 2023

La suprastanza propona da schar il pei da taglia sin 15% dalla taglia sempla sco entochen dacheu.

La radonunza decida unanimamein da schar il pei da taglia per 2023 sco tochen dacheu sin 15% dalla taglia sempla dil cantun Grischun.

8. Rapport dalla presidenta dil cussegl pastoral

La presidenta dil cussegl pastoral, Isabelle Defuns-Gamboni, dat in cuort rapport sur dil curriu e passau. Il rapport ei annexaus a quest protocol.

9. Elecziuns

Las sutnumnadas personas stattan vinavon a disposiziun per lur post e vegnan reelegidas unanimamein per in'ulteriura perioda da 3 onns.

- | | |
|-----------------------------|-------------------------------------|
| a) president | Pieder Decurtins |
| b) cassier | Alois Tomaschett |
| c) administratur dils beins | Benedetg Albin |
| d) post da revisiun | Lea Alig-Flury, Gion Friberg |

10. Sanaziun parziala dalla Baselgia Nossadunna dalla Glisch

Grond engraziament a Gabriela Vincenz per sia lavur d'administraziun en conex cun damondas per daners. Pil mument mauncan biabein frs. 100'000.-.

Previu era dad entscheiver primavera 2022. Deplorabel ei problematic da survegnir material pil tetg aschia vegn entschiet cun la restauraziun dil fundament e mirs. Il tetg ei previu 2023.

Dumeni Tomaschett, president da vischnaunca. La suprastonza ei stada d'accord da sanar il plaz avon baselgia en conex culla restauraziun dalla baselgia, probabel 2024.

Il president Pieder engrazia alla vischnaunca.

11. Varia

Sur Tomasz engrazia a tuts presents, al president Pieder e la suprastonza; alla catacheta; al cussegl pastoral; als revisurs; allas lecturas; allas calustras e caluster; a tuttas personas activas en nossa cumminonza sco era al president communal ed al president dalla Casa sogn Martin. Nossa cumminonza setegn ensemen en buns e schliats temps.

Il catachet Hubert Venzin cala sin la fin digl onn da scola, nova catacheta ei Rilana Cadruvi Scherrer. Creisma, ils 29 da matg cugl Avat Vigieli Monn. Creisma 2023, ils 21 da matg cun Avat Vigieli Monn.

Benedetg: odem baselgia parochiala ei niev postau ina scaffa, leu vegn deponiu uorden ord la stizun da NdG per vender.

Lavar or las baselgias : la baselgia parochiala vegn schubergiada dad ina dunna mintga duas jamnas aschia ch'igl ei buc basegns da schubergiar. Zignau e Schlans vegn decidiu dafertontier.

Daniel Tuor: engrazia a sur Tomasz per siu engaschi en Casa sogn Martin.

Pieder engrazia a tuts presents ed alla vischnaunca per far diever dalla sala ed al pedel Lotar.

Trun, ils 10 da matg 2022